



10. oktober 2022

UKA 2022/71

**Neqinik eqqussinermi akitsuutit peerneqarnissaanik Naalakkersuisut peqquneqassasut  
Inatsisartut aalajangiiffigisassaattut siunnersuut.**

(Inatsisartunut Ilaasortaq Jens-Frederik Nielsen, Demokraatit)

Siumumiik Jens-Frederik Nielsen, Demokraatit siunnersuutaannut qujarusuppugut, imatullu oqaasertalissuarput.

Siumumiik tunngaviusumik akitsuutinik pisariaqanngitsunik piianeq isumaqatingaarput, nunattalu pissarititaanik annerusumik uatsinnut pilersorsinnaanerput aamma pingaartilluinnarlugu. Avataaniik puulukit, nersussuit pingaarnerruppat nunatsinni pissarititatsinniit? Puisi, arferit, tutut, umimmak, sava il. il. nunatsinni qangaaniilli inuussutigisagut, akuutissanik akuungaangittut, nunarsuarmi allamiik km tusind- erpassuit assartoqqaarnikuunngittut, tassa peqqinnarnerpaat aammalu avatagiisitsinnut pitsaanerpaat.

Siumumiik isumaqarpugut akitsuutit eqqartornerani pingaaruteqartoq nalilersuilluaqqaarnissaq. Inuit atungassarititaat soorunami pitsanngorsarusuppugut. Akitsuutilli oqartussaniik atornerqartarput ilaatigut nioqqutissat nunatsinneersut aammalu pilersitagut illersorumallugit aammalu ilaatigut assersuutigalugu partiit ilaasa sukknut akitsuut qaffannikuuat, sukumik atuinikinnerulernissaq siunertarlugu. Ilaatigut aamma imingassaq, cigarettit il. il. akitsuusersungaapput peqqinnissaqarfik annerusumik artukkinnginniassangatsigu.

Siumumiik pingaartipparput inuit peqqissuunissaat, suliffissaqarnissaat ulluinnarnilu atungarissaarnissaat – minnerunngitsumillu nunatsinni suliffeqarfinnik pilersitsinissaq, pilersinneqarsimasullu pitsaasumik aamma atungassaartinnissaat. Nunatta pissarititaii tunngaviusumik illersorneqartariaqarput, imminut akilersinnaassuseq, avatagiisit, inuit suliffissaqarnerat il. il. nalilersuilluarnerlu naapertorlugu.

Nunatsinnimi suliffissanik pilersitsigutta suliffeqarfik nunatsinnut akileraassooq, sulisui nunatsinni akileraassapput aammalu inuk suliffilik, minnerunngitsumik ataavartumik suliffissalik tarnikkut, peqqissutsikkut, imminut naleqassutsikkut qanorluunnit iluaqusertussaavoq. Nalunngilarput nunap ilaani piffinni suliffissaaleqisoqartoq aammalu piffiit ilaani sulisussaaleqisoqartoq. Tamakkua aamma nalimmassartariaqarput. Assersuutigiinnarlugu sulinermut ilanngaas, suliffissaaleqisumut iluaqutaanaviannigilaq aammalu killormut sulisussaaleqiffimmi, aningaasarsiat qaffasinneroreersut sooq sulinermut ilanngaasersorneqassappat? Immaqa uffa aningaasat suliffissaaleqinermut allanulluunnit tamanut iluaqutaasinnaasumik aqqittariaqaraluarigut.



Siumumiit pingartipparput, akitsuusitigut aaqjissuunitsinni atortut, nerisassat il. il. Naammassineqanngitsut suut nunatsinni suliaringaanni suliffeqarfinnik aammalu pilersitsinikkut inuaqatigiinnut iluaqutaassanersut nalilersortuassallugu.

Siumumiit nuannaarutingaarput akitsuutinik aaqjissuusseqqittoqarnissaanik siunertaq, pingaaruteqarporli akitsuutit 1992- mi pilersitatta, ukiut ingerlanerini allanngorallattaasimasut, massakut tamakkiisumik nalilersortariaqartut aammalu sukumiisumik suliarineqartariaqalersut, una siunertaralugu, nunatsinni pilersitsineq, peqqissuseq, atungarissaarneq aammalu minnerunngitsumik pisariaqanngitsunik akitsuusersuinnginnissaq.

Siumumiik neqip eqqunnerani akitsuutip peerneqarnissaanut siunnersuut innersuukkusupparput ataatsimiisitaliami sukumiisumik suliarineqarnissaa, inuaqatigiinnullu qanoq pitsaanerpaamik kinguneqartitsisinnaanissaa siunertaralugu nalilersorneqassasoq. Aningaasammi nunatta karsianik annaasassat suminggaanniit aassanerlutigut nalilersorluartariaqarpagut.

Kuno Fencker, Siumut.